

Tasga n Tutlayt d Yidles n Tmaziyt

Aseggas amezwaru

Akayad n umesqdis amezwaru

Almud : Tasnilest Tamatut

Tanekwa :..... Isem : Agraw:
--

1. Bder-d kra n tulmisiin s i tezmer tutlayt ad d-tufrar yef tayed, ama deg yiwet n tmurt ama deg umaqal s umata.

.....

..... Azal n tutlayt deg tmetti icudd yer waṭas n tmental. Gar timental-a, nezmer ad d-nebder : amḍan n yimsiwlen, azayer azerfan-asertan, asemres n tira, tiwuriwin tunsibin (ney asemres n tutlayt deg tsudutin yecban azerbaij, tadbelt, taydemt...; tayulin yecban tasekla, tasreḍt, tazuri, tussna...). S umata, simal yettimyur umḍan n wid i yessawalen tutlayt, tutlayt-nni tettufrar-d gar tiyaḍ, imi d ayen ara tt-yeḡḡen dayen ad tessemres tira, ad tekcem deg yal tayult, ad tay amkan deg tsudutin tunsibin. S unemgal yer waya, tutlayt ilan drus n yimsiwlen tettayamay d timawt war azayer unsib, tettwasemras kan deg kra n tegnatin (deg uxxam, gar yimawlan d yimdukul). Aya, yezmer ad tt-yawi yer tmettant.

.....

2- “Iferdisen n yinaw” d tanekta tagejdant deg tjerrumt. Segzi-d tanekta-ya tefked-d kra n yimediyaten.

.... Tanekta “iferdis n yinaw” ney “iferdisen n yinaw” tban-d i tikkelt tamezwarut deg yidrisen n yifelsafen igrigiyen am Platon d Aristote (tasut tis III send talalit). Ifelsafen-a, semrasen-tt iwakken ad semgirden gar kra n taggayin n wawalen n tutlayt icban amyag, isem, tazelya, atg. Seg yifelsafen tekcem yer yimesjerrumen igrigiyen, ilatiniyen, aeraben d wid i ten-id-iḍfren. Yal tajerrumt n yal tutlayt n yal tallit tbedd yef yiferdisen n yinaw akked ugram n tulmisiin-nsen. D amedya, tijerrumin timiranin n tefransist bḍant tutlayt tafransist yef tza (09) n yiferdisen n yinaw: *verbe, nom, adjectif, article, pronom, adverbe, préposition, conjonction, interjection*. Almend n tjerrumin-a, amyag (le verbe) d awal i d-imalen tigawt; ifetti almend n wakud d wudmawen. Ma d isem (le nom) imal-d tayawsa, ney amḍan ney amuddur... ; ad naf deg-s ticreḍt n tewsit (amalay - unti) d tin n umḍan (asuf - asget); iteddu day d umagrad (article).....

3. Sken-d amek i nezmer ad d-nini yef snat (ney nnig n snat) n tutlayin zdin-tent wassayen n timmarewt. Efkd imedyaten yef waya.

Ma nekkas iferdisen i d-ittekkas seg umyikcem gar tutlayin am yiretalen, ayen akk yezdin tutlayin (d imesla, ney d amawal, ney d iferdisen n tjerrumt) d assayen n timmarewt i d-skanayen.

D amedya, ur nezmir ara ad d-nini llan wassayen n timmarewt gar taerabt d tlatinit yas akken awalen *ustūra* (اسطورة), *jamal* (جمال), *qalam* (قلم) ttaken anzi yer *historia*, *camelus*, *calamus*. Anecta yekka-d seg urettal n taerabt yer tlatinit. Maca amawal n tfekka n umdan yezdin tutlayin tilatiniyin am tefransist d ttelyanit d tespenyulit ur llin d iretalen. Ulac gar-asant tutlayt i ten-id-yewwin yer tayed. Gef waya, anagar s timmarewt (ney s tadra i ten-yezdin) i nezmer ad d-nessegzi assayen-a.

Kra n yimediyaten n wawalen n tfekka n umdan i d-iskanayen assayen n timmarewt deg krad n tutlayin tilatiniyin:

Tafransist	Tatelyanit	Taspenyulit
bouche	bocca	boca
bras	braccio	brazo
doigt	dito	dedo
main	mano	mano
pie	pie	pie

4- Efkd asentel n uzraw n yal tussna (ney annar n tmusni) ara d-yasen :

tajerrumt : ...War asentel n uzraw. Tajerrumt telha-d s tikci n yilugan yeytan i umlad d uselmed n tutlayt

tajerrumt timserwest : ...assayen gar tutlayin.....

tasnadrist : ...Idrisen iqburen s umata. Deg-s atas n yisental n uzraw : tutlayt, tira, amezruy, idles, atg.

tasnilest :Tutlayt